

# Stefanu PERGOLA

## *Eroi zitelleschi*

Aghju sunniatu di Lucky Luke incavalcatu  
Chì stava à l'aguattu cù Zorro mancu rasatu  
In l'attesa di i mustacciuti Dalton in libertà  
È à tempu l'ispettore Gadget vulia inchiesta  
Per circa quellu duttore Gang sempre piattatu  
Chì appruntava e malfatte cù Mad à u so latu

Quandu Obélix caccighjava qualchì cignalone  
Truvò Tintin è Milou chì facianu un'inchiestone  
In celu aghju vistu à Casimir chì curtighjava  
A fata Clochette chì scaccanendu cantighjulava  
Di l'altra branca Peter Pan s'appruntava à vulà  
Quandu u capitaneu Crochet li venia à stuzzicà

Cù u delfinu longu Flipper aghju ancu nutatu  
Di u Titanic andetimu à vede ciò ch'hè firmatu  
Po cù Donald aghju fattu una partita di carte  
È ghjucò à cubbi cù Spirou amparendu l'arte  
Cù Speedy Gonzalez aghju pruvatu à corre  
Ma l'acellucciu Titi insistia di lascia corre

Cù Gros Minet à caccighjà mi ne sò andatu  
Ma troppu chjachjarendu nunda emu pigliatu  
Aghju ancu manghjatu dui ghjacci ghjaccioni  
Cù u m'amicu Mickey chì parlacciava à ridoni  
À vede Félix u ghjattu insunnulitu simu passati  
Po emu vistu sfiatatu u Coyote è ne simu ritornati

Cù Albator nantu à lu so vascellu aghju navigatu  
Chì cercava i banditi è di paura mi ne sò vultatu  
Sò partutu cù Ulysse 31 chì per sti lochi girava  
È vidia Jayce u cunquistadore chì prestu passava  
Cù i Pierrafeux una manghjata emu appruntatu  
Po i scuffaioni Satanas è Diabolo emu invitatu

Mi sò discitatu è di stu sonniu l'aghju scrivacciulatu !

à secondu à mè da zitellu

ottobre di u 2004